

Dioscor. cap. 69. ubi plerumque evenit, ut vulneratâ ferramentis venâ, argentum vivum, fonticuli instar, in substratam defluerit humum. Et *Comm. in cap. 70.* amplissima argenti vivi metalla in *Hydria* monte, qui quadraginta millia passuum à *Goritia* distat, videri scribit, ubi continuo copiosum elicitur è lapide quodam, fragili potius, quàm duro, colore ex nigro rufescente, & ad purpuram quadantenus vergente, ponderoso, plumbi instar, & argento vivo scintillante.

Loca autem Minio redundantia tempore nivium facilè cognoscuntur, dum nives, hujusmodi loca tergentes, rubore inficiuntur; quocirca celebris ille *Homeri* interpretes *Eustachius* quibusdam in locis nives observari rubras asseruit; & indè locus, in quo nives deprehenduntur rubræ, *μιλτώδης* illi dicitur.

C A P U T XXI.

Cinnabaris Mineralis, seu Minii Naturalis delectum observat.

IN dijudicandis medicinalibus, si de notis bonitatis certiores esse velimus, usus obtinuit, ut ad manus sumamus exemplum quoddam, ad quod, tanquam ad *Lydium* lapidem examinanda examinemus, eaque si bonitate cum exemplo convenient, retineamus, sin minus, aversemur. Hînc cum *Cinnabaris mineralis* sese nobis offert, semper eligenda est ea, quæ gravida *Σριο* & *φρε*, ut partibus ejus componentibus præstantioribus, adeoque *Ungarica*, utpote quæ naturâ *Οlaris*. Eam reliquis præfert *Frid. Hoffmannus Clav. Pharmaceutic. Schroderian.*

derian. lib. 3. cap. 16. quæ in civitate Grembs reperitur. Ea est optima, quæ est rubicunda, cujus flamma illustris & sincera est, & in qua argenti vivi scintillant micæ.

Hoc Cinnabrium nativum cum etiam vel purum reperiatur, quale in *Armenia*, item in *Hassia*, prope *Marpurgum* è fodinis plumbeis extrahitur: vel lapidibus permisceatur, ut in *Ungaria*, *Hartenstein/sum Schlegel* / &c. quandoque in lapide scissili cinereo, bractearum modo, concretum: quandoque in lapide metallico candidissimo sit, semper eligendum est illud, quod purum, & à lapidibus bene separatum est.

CAPUT XXII.

Cinnabaris Mineralis, seu Minii Naturalis vires & usum ante præparationem illius profert.

Cinnabaris Mineralis vires & usum considerare triplici modo nobis animus est; primò enim vires & usum illius ante præparationem contemplantur: deindè præparatæ vires planè admirandas atque ineffabiles tam in genere, quam in specie enarrabimus: & demum crudæ usum mechanicum adjiciemus. Usum Cinnabarii nativi seu Minii fossilis in medicina ante illius præparationem summo pere vitandum esse arbitramur, cum veneficâ qualitate ob spiritus suos *Û*riales, sicuti diximus, non careat; undè *Ausonius Edyl. 12.* jure merito lethiferum illud appellavit hoc versu:

Et quod Germano mistum male lethiferum min?

Id-